

Գեղարքունիքի մարզպետ Կարեն Սարգսյանի շնորհավորական ուղերձը Տեղական ինքնակառավարման օրվա առթիվ

10.11.2021

Ձերմոռեն շնորհավորում եմ Տեղական ինքնակառավարման մարմինների բոլոր ներկայացուցիչներին մասնագիտական տոնի կապակցությամբ:

Տարիների ընթացքում ձևավորված և կայացած ՀՀ տեղական ինքնակառավարման մարմինները ժողովրդավարության և քաղաքացիական հասարակության կարևորագույն ինստիտուտներից մեկն է, որն այսօր էլ, ժամանակի պահանջներին համահունչ շարունակում է կատարելագործվել, ինչին ակտիվ մասնակցությունը բոլորիս խնդիրն է:

Վստահ եմ, որ տեղական ինքնակառավարման համակարգի հետագա գործունեությունը կուղեկցվի նորովի արդյունավետությամբ և ընթացող բարեփոխումները կնպաստեն վերջինիս շարունակական կատարելագործմանը:

Քաղաքացիական հասարակության կայացման և ժողովրդավարության ամրապնդման համապատկերում տեղական ինքնակառավարման դերն ու նշանակությունը մեր պետության կյանքում տարեցտարի ավելի են մեծանալու, քանզի այս համակարգի հետագա կատարելագործման, համայնքներում տարբեր բնույթի ծառայությունների ծավալի մեծացման և արդյունավետության բարձրացման հետ կապված հարցերը մշտապես գտնվում են ՀՀ կառավարության ուշադրության կենտրոնում:

Համոզված եմ, որ այսուհետ ևս տեղական ինքնակառավարման մարմինները շարունակելու են վստահորեն կատարել իրենց առջև դրված խնդիրները՝ հանուն համընդհանուր բարեկեցության և հետագա առաջընթացի:

Վերստին շնորհավորում եմ տոնի առթիվ՝ մաղթելով նորանոր հաջողություններ, բարեկեցություն և հաստատակամություն՝ հանուն ավելի բարեկեցիկ հասարակության, ավելի ուժեղ համայնքի ու պետության: